

UGOVOR

o nabavci i isporuci mrežne opreme za realizaciju projekta „Elektronski dnevnik“ u javnim srednjim školama na području Kantona Sarajevo

Zaključen dana 26.12.2019. godine između:

I – UGOVORNE STRANE

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO, sa sjedištem u Sarajevu, Ul. Reisa Džemaludina Čauševića br. 1, kojeg zastupa Mr. Zineta Bogunić, ministrica (u daljem tekstu: **Naručilac**), identifikacijski broj: 4200666870003
(u daljem tekstu – Naručilac)

i

PRINTEX d.o.o. Sarajevo sa sjedištem u Sarajevu, ulica Hasana Sušića 9 i 11, IDB 4200597450005, PDV broj: 200597450005, transakcijski račun broj: 1401011120015577 otvoren kod Sberbank d.d. Sarajevo, kojeg zastupa direktor Igor Siručić **(u daljem tekstu: Dobavljač)**

II – PREDMET UGOVORA:

Predmet Ugovora je nabavka mrežne opreme za realizaciju projekta „Elektronski dnevnik“ u javnim srednjim školama na području Kantona Sarajevo u skladu sa ponudom broj: 90/19 od 26.11.2019. godine za sljedeće stavke:

- Wireless Access Point – 40 komada
- Upravljivi Gigabit Ethernet Layer 2 switch – 40 komada

III – OBIM ISPORUKA:

Obim isporuka iskazan u tački 1. ovog Ugovora, obuhvata:

- isporuku mrežne opreme u prostorijama koje odredi Naručilac;
- održavanje u garantnom roku.

IV – CIJENA:

Ukupna cijena za isporuke mrežne opreme po ovom Ugovoru iznosi:

Cijena bez PDV-a: 84.523,00 KM

PDV: 14.368,91 KM

Cijena sa PDV-om: 98.891,91 KM

slovima:(devedesetosamhiljadaosamstotinadevedesetjedan i 91/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište koje odredi Naručilac, ocarinjeno, sa porezom na dodanu vrijednost.

V – NAČIN PLAĆANJA:

Naručilac će plaćanje ugovorenih obaveza Dobavljaču izvršiti u roku od 30 (trideset) dana od dana potpisivanja Ugovora i dostavljanja fakture za isporučene robe, a na transakcijski račun Dobavljača broj 1401011120015577 otvoren kod Sberbank d.d. Sarajevo.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Dobavljač primio uplatu sa odgodom od jednog ili više dana od ugovorenog roka iz stava 1. ovog člana.

VI – ROKOVI:

Rok za isporuku opreme je odmah po potpisivanju Ugovora, a najdalje u roku od 60 dana.

VII – PRIMOPREDAJA

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti nadzorni organ kojeg odredi Ministarstvo za obrazovanje, nauku i mlade Kantona Sarajevo.

Ukoliko se pregledom utvrdi da kvalitet i kvantitet ponuđene mrežne opreme ne odgovara traženom, Naručilac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu Dobavljača.

VIII – GARANCIJE:

Za ugovorenu opremu iz ovog Ugovora Dobavljač daje garanciju na kvalitet i funkcionalnost u trajanju od:

a) 36 mjeseci od dana isporuke.

Garancija za kompletnu opremu obuhvata sve kvarove nastale usljed grešaka u projektiranju, proizvodnji i materijalu.

Dobavljač će u toku garantnog perioda održavati opremu u funkcionalnom stanju i u okviru toga izvršavati redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi mrežne opreme ostaju vlasništvo Dobavljača. Garancija se ne priznaje u slučaju kada je do kvara na opremi došlo usljed:

1. nepravilne, nestručne upotrebe opreme,
2. neadekvatnih uslova za rada opreme,
3. više sile i
4. drugih nepredviđenih događaja.

Dobavljač će Naručiocu u roku od 10 dana od dana zaključivanja/obostranog potpisivanja ugovora, dostaviti Bezuslovnu bankovnu garanciju za dobro izvršenje posla u iznosu od 9.889,19, sa rokom trajanja do rok izvršenje + 90 dana.

Naručilac gubi pravo na garanciju ako u toku garantnog perioda, bez pristanka Dobavljača, sam ili putem trećih lica vrši popravke na predmetu Ugovora.

IX – OBAVEZE NARUČIOCA/DOBAVLJAČA:

Naručilac i Dobavljač se obavezuju da u roku od 24h od potpisa Ugovora pismeno obavijeste Naručioca i Dobavljača koje će lice biti zvanični predstavnik Dobavljača, odnosno Naručioca po ovom Ugovoru.

Dobavljač se obavezuje da će po isteku garantnog roka obezbjediti Naručiocu nabavku rezervnih dijelova za opremu u periodu od najmanje 36 mjeseci, kao i da će omogućiti Naručiocu ukoliko on to bude tražio sklapanje Ugovora o održavanju mrežne opreme.

Naručilac je obavezan da do momenta isporuke dostavi Dobavljaču pismenu izjavu da je oprema iz tačke 1. ovog Ugovora, osnovno sredstvo za obavljanje registrirane djelatnosti.

X - AUTORSKA PRAVA:

Dobavljač zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

XI - SPOROVI

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

XII - ZAVRŠNE ODREDBE

Sve eventualne dopune i izmjene ovog Ugovora moguće je obaviti pismeno potpisivanjem Anex-a osnovnog Ugovora, uz saglasnost ugovornih strana.

Ovaj ugovor je sastavljen u 6 (šest) istovjetnih primjeraka od kojih svaka ugovorna strana dobija po 3 (tri) primjerka.

Dobavljač
PRINTEX d.o.o.
Direktor



Igor Siručić

Broj: 01-280/19
Sarajevo, 26.12.2019. godine

Naručilac
Kanton Sarajevo
Ministarstvo za obrazovanje, nauku i mlade



Mr. Zineta Bogunić

Broj: 11/07-14-17580-8/19
Sarajevo, 26.12.2019. godine